

秋
脹
笑
屏
照

痧脹然犀照序

夫醫者雖小道也技能救人疾厄全人骨肉其任豈不重乎今歲時症忽起若老若壯若幼一染其病忽忽就斃卽有來勢稍緩者亦旦發夕死而醫者竟無術救援茫無所措有進藥而亡者有不及藥而亡者紛紛然矣甚至一家沒二三人五六人者良可悲夫客曰是病無法治乎曰王養吾痧症全書卽救時病之妙方也康熙年間曾刻板行世沈金鰲又條貫而傳之獨怪其醫者於是書罕見罕聞宜其一遇是症束手無策也夫痧脹七十餘症矣治痧有認症之訣有焯刮放三法遵其法

而治之百發百中卽如冷痧緊痧來勢最急頃刻卽死
若治之得法頃刻卽生余因是書傳之不廣取王沈二
君書彙而刻之題其顏曰痧脹然犀照

峕

道光元年秋七月

濛濱馮敬修

生者初所信人書講

論精詳沈至極魚子保會

而疏之明至書傳見名廣

予知公曰使所治有

所道循而至沈而先生濟

今之功亦不岐溪沒朽骨

同集

咸豐三年秋八月

清江先生



痧脹凡例

一痧脹人皆曰方書未載此見聞不廣耳夫中滿霍亂見內經霍亂吐瀉見巢氏病源及儒門事親絞腸痧見醫學心悟霍亂絞痛見丹台玉案絞痛轉筋吐瀉並作見名醫類案此皆痧症也又辨痧症之法見臨症指南又青筋脹卽烏痧脹見洗冤錄且云此病倘誤認爲陰症妄投以藥斷乎不救但諸家言痧者少至王養吾言痧則諸症咸備

一痧症初起周身畏寒手足戰搖或腹疼背冷其甚者頭昏卒倒目閉口噤六脈如絲此冷痧之最急者也

以通關散吹鼻中次用燈心燂之次用刮法然後進藥

一初起又有不畏寒冷先兩足麻次兩手麻又次背麻又次唇麻如尙不治則頭悶神昏牙關緊閉以通關散吹鼻中燂法刮法竝施然後進藥

一燂法先眉心次鼻準次兩太陽各一壯耳前聽會各一壯如牙關尙未開以通關散搽口內大牙床外於聽會穴再各燂三四壯口噤自開

一刮法先刮胸背二處以酒杯口刮之兩手彎曲池兩足彎委中不用酒杯只以手從上推下各二十四次

然後屈兩手刺之如取眉火之壯若病重者必放血
一放血法凡痧症之重者如緊痧悶痧頭悶卒倒及絞
腸急痛等症宜於兩手足彎先推刮之刮法如前再
以鍼放其毒血竝刺其十指尖令俱出血乃可漸安
一絞腸痧腹中絞痛難忍宜刮宜放血藥宜八號大有
方十號節象方張子和云此症若投理中湯及附片
巴霜俱不可救宜六一散加香薷以新汲冷水調服
立刻向安

一傷暑發痧及霍亂身熱自汗口渴不止脈來洪大宜
白虎湯石羔五錢知母三錢甘草一錢粳米一撮

一痧脹昏迷悶倒如中風壯不省人事口眼皆閉用通關散不得噀焮以燈火若未知宜玉樞丹磨服吐出痰涎進活血順氣之藥

一酒後發痧不省人事閉目狂言如見鬼祟先宜通關散次以燈火焮各穴次刮其手足背胸但此症有祟憑之焮刮時彼必以言力拒謂不可焮不可刮切勿聽其狂言再以玉樞丹磨服則狂言自止乃可漸安一通關散牙皂細辛生半夏薄荷礪砂共爲細末每用少許吹鼻中加冰片麝香更妙此方減半夏可吹可服但服只宜少許切勿多

一玉樞丹卽太乙紫金錠山茨菇去皮焙二兩千金霜
一兩紅芽大戟一兩五錢麝別研三錢糯米濃汁作
錠

一痧症通用方荊芥細辛薄荷香附鬱金降香陳皮只
壳煨榔口渴加花粉面腫加菊花喉痛加山豆根桔
梗心煩加梔子腹脹加大腹皮內熱加連翹知母痰
多加貝母白芥子氣壅加烏藥血滯加茜草丹皮食
積加山查萊菔子

痧脹然犀照

錫山沈金鰲撰

天彭馮敬修述

痧脹源流

痧脹風濕火三氣相搏病也夫痧脹之病自古已有痧
脹之名自古未立攷之方書曰乾霍亂曰絞腸痧曰青
筋曰白虎症曰中惡卽皆痧脹病者也特未專立痧脹
之名而其症亦偶一患之未如近今之甚耳故從古患
此症者北方多有謂之曰青筋症又曰馬頭瘟今則南
方通行謂之曰水痧又曰水傷寒江浙則爲痧閩廣則

曰瘡氣其實一而已矣惟古已有此病故凡方書所以治乾霍亂絞腸痧青筋白虎中惡者皆卽治痧脹之方藥惟古未立此名故凡後世焯刮放等法及所以治之方劑皆自古所未專詳後之醫者因得藉口以爲古書之所無今人自不能治以致患此症者俱束手以視其斃亦可憾矣雖然皇古無醫書自軒岐創法歷代名人各有撰述因而一切之病著一切之治法亦備痧脹之病特古未通行故治法遂略耳迨後世其病旣盛其法又何常不有人詳論之耶且痧脹至今時而始有人詳論不猶之一切病症亦爲古略而後詳耶是亦理有

固然無足怪也夫所謂今時詳論痧脹者何人王養吾是也養吾名凱昆陵人精於醫尤善痧症曾詳列七十二種正變痧於康熙間刻痧症全書行於世而其板惜早湮沒其書不甚傳向余于痧脹一症曾遍稽古方書言乾霍亂等症者參以己見著爲論後得養吾書讀之詳盡無遺仍復理精詞達雖其言兼症變症類症處未免頭緒太煩然掘抵搜根發前人所未發直覺養吾未有書痧症如隱烟霧中養吾既有書痧症如顯日月臨照中而人皆得共見也視余向之所論殊爲簡而未該矣乃卽養吾之言最精確者採輯而條貫之以著斯篇

又恐人不知余斯篇之實本於養吾而反沒養吾也因於此特申之亦不敢掠人之美云

痧脹辨症

且余前言痧脹爲風濕火三氣相搏之病者何也風爲厥陰風木濕爲太陰中土火爲少陽相火三氣雜揉清濁不分升降不利遂至胸腹脹急或痛或不痛而痧脹之症以成此則病因之由於內者也其實內三經之因其發必由外感而外感必分表裏其始感於肌表人自不知則入半表半裏故胸悶嘔吐腹痛也用焮法可愈不愈以藥治之宜四號否象方五號觀象方或感於半

表裏人自不知則入於裏故欲吐不吐欲瀉不瀉痧毒
冲心則心胸大痛痧毒攻腹則盤腸吊痛用放血法自
愈不愈以藥治之宜十四號豐象方十九號大畜方或
中於裏人自不知則痧氣壅阻惡毒逆攻心膂立時發
暈氣血不流放之亦無紫黑毒血卽有亦不多此痧毒
入深凶兆也但當審脈辨症風寒暑濕氣血食積痰飲
辨其何因治之使甦令氣血流動然後扶起放痧如不
甦急以藥灌之宜二十一號睽象方三十三號巽象方
如此重症當立時連進湯丸方能有救遲則必死凡痧
脹服藥但由痧氣壅盛而無食積痰血宜冷服若痧氣